

刑部比照加減成案

刑部比照加減成案卷八目錄

杭州許榷

同訂

安陸熊莪

刑律賊盜

盜田野穀麥

親屬相盜

恐嚇取財

刑部比照加減成案卷八

刑律賊盜

盜田野穀麥

直隸司 道光二年

熱河咨拏獲偷砍木植張發財等案內之
全四身係旗人全五先曾犯案銷檔乃因
卡房坍塌無人看守輒起意誑令馬四劉

定安等進圖偷砍木植。未便僅照所得錢物計贓科罪。全四應銷除旗檔。與全五均比。依竊盜窩主造意不行。但分贓者爲首。論照盜砍木植百斤以上例。各枷號一個月。擬徒。

奉天司 嘉慶二十年

行在刑部咨議覆盛京將軍奏佐領烏爾

圖舞獎謀殺防禦海寧阿案內之賊犯張
得占樊歲樊茂樊教結夥出邊打鎗挖參
其所得參兩並無確數未便按照偷獵人
參本例計贓定擬應比照偷伐木植雇倩
多人例均擬滿流。

廣東司 嘉慶二十二年

廣東撫咨蔡忻淑等聽從盜挖官煤計贓

逾貫。將蔡所淑等比照盜掘礦砂計贓准竊盜一百二十兩以上絞罪上減一等滿流爲從再減一等滿徒。

浙江司 嘉慶二十二年

浙撫咨范汝浮在禁山盜掘鉄砂私煎鉄斤經差拏獲復敢持械拒捕應比照盜掘銅錫等礦砂在山洞捉獲持仗拒捕不論

人數、砂數、多寡、例發邊遠充軍。

親屬相盜

浙江司

嘉慶二十一年

浙撫咨吳卸的等行竊案內之吳有魁係前經兩次犯竊。此次復犯。係親屬相盜。律應免刺。並非實犯竊盜。卽不得科以三犯之罪。該省將該犯依竊盜三犯。贓至五十兩以上。擬絞。係事主無服族叔。減等擬流。

本部將吳有魁改依聽從行竊逾貫絞罪
上減一等滿流仍按親屬相盜無服減一
等本律杖一百徒三年

廣東司 嘉慶二十三年

廣撫咨衛亞操行竊素無周恤之無服族
叔衛楊和家首飾估值銀十兩零事後用
刀拒傷更夫衛漸聲衛益和傷輕平復查

衛漸聲衛益和均係該犯無服族兄。衛亞操依刃傷人杖八十徒二年卑犯尊加等杖九十徒二年半加拒捕罪二等杖一百流二千里。

陝西司 道光二年

北城送陳仁捏造票據侵用王王氏銀二千兩係屬誑騙王王氏係該犯姑母之女。

業經出嫁。與該犯並無服制。亦不在律載。無服親屬圖內。不得以親屬相盜論。惟該犯得受勞金。在王王氏家帮理家務。卽屬同居雇工。與常人設計誑騙者不同。將陳仁比照同居雇工盜家長財物減凡盜罪一等律。于誑騙罪止滿流罪上減一等滿徒。

恐嚇取財

直隸司

嘉慶二十三年

直督咨王洛忠。因知胡兆璿曾與時劉氏
通姦賄和。嗣王洛忠欲將地畝當給胡兆
璿不遂。起意指姦訛詐。以致胡兆璿情急
自縊。事出有因。與無端肇衅。平空訛詐者
有間。將王洛忠依刁徒訛詐致被詐之人

自盡絞罪。上量減一等滿流。

四川司 嘉慶二十五年

南城移送王四。因見趙三懦弱可欺。乘其妹夫游士龍來家居住。該犯卽起意訛詐。黃夜踢門入室。索詐錢文。趙三等走避。該犯卽將衣包携回。若僅照恐嚇取財計。駐准竊盜加一等。尙覺輕縱。將王四依棍徒。

優等例。上品減一等。滿徒仍於犯事地方。
枷號一個月。以示懲儆。

安徽司 嘉慶二十五年

安撫咨檀賞宗。見檀陳氏與檀思定在家
晤談。因知其平日有姦。遂起意藉端訛詐。
輒捏續姦汚屋。逼令陳氏給錢。改換門樑。
檀陳氏叩求饒恕。檀賞宗堅執不允。檀陳

氏被詐情急投綬殞命。係起意訛詐逼死人命。與因事威逼致死者不同。第該氏犯姦屬實。該犯訛詐卽非無端肇衅。檀賞宗應比照刁徒訛詐致被詐之人自盡絞監候。上量減一等。滿流。檀思定與無服族嫂檀陳氏通姦敗露。以致檀賞宗得以藉端訛詐。是檀陳氏之被詐自縊。究由該犯和

姦敗露所致。檀思定應照和姦之案。姦婦因姦情敗露羞愧自盡。例杖一百。徒三年。奉天司嘉慶二十二年

盛刑咨王金寬與卜三達子之女小妞通姦。復將小妞拐逃。卜三達子旋將該犯等獲。欲行送官。經該犯之父央求寢息。嗣王金寬聞知小妞在卜三達子之婿沈士庫

家借住。屢至沈士庫家要人。經沈士庫等將王金寬捆縛。喚同卜三達子。欲將王金寬送交伊叔管束。至中途王金寬辱罵不止。卜三達子氣忿。用鐵錐將其兩眼戳瞎而散。該侍郎將王金寬依和誘擬軍。卜三達子依瞎人兩目律減一等。滿徒。沈士庫等依餘人律杖一百。經本部將王金寬改。

依兇、惡、棍、徒、例、擬、遣、業、已、成、篤、照、律、收、贖、
卜三達子、改、依、擅、殺、罪、人、至、折、傷、以、上、按、
其、擅、殺、之、罪、止、應、滿、徒、例、于、贖、人、兩、目、流、
罪、上、減、二、等、杖、九、十、徒、二、年、半、沈、士、庫、等、
改、依、不、應、重、杖。

四川司 嘉慶二十年

川督咨萬逢清、將、低、銀、一、錠、約、重、二、兩、托、

唐上才向彭紹先押錢一千。約期取贖。嗣因無錢。向彭紹先加錢不允。彭紹先卽憑唐上才將原銀看過。交萬逢清查收。並無掉換。越日彭紹先取討錢文。不給。向斥萬逢。清嚇稱用假銀掉換原銀。彭紹先畏懼。走回。萬逢清至彭紹先鋪內。將其家具打毀。希圖恐嚇。不敢催討。彭紹先因銀錢無

著。被。打。毀。情。急。用。刀。砍。傷。顙。門。後。自。縊。
身。死。將。萬。逢。清。照。刁。徒。訛。詐。致。被。詐。之。人。
自。盡。擬。絞。例。上。量。減。一。等。滿。流。

陝西司 嘉慶十九年

陝撫題張世榮。因陶泳祥誤收假銀。赴鋪。
兌換。該犯見而訛詐。致陶泳祥窘迫自盡。
事非卒空。依刁徒平空訛詐。致被詐之人。

自盡絞罪上。量減一等。滿流。

直隸司 嘉慶二十五年

直督谷外結徒犯內劉景濫趕回徐秉衡家放青走失猪隻。狡賴不還。復挾徐秉衡不允借錢之嫌。欲令拆墻修廟。并借用夏文珠馬匹。倒斃不賠。雖屢次滋事。但猪隻係白行走失。卽馬匹亦係借用。究非無故。

撥害。應照棍徒量減擬徒。

江西司 嘉慶二十三年

江西撫谷陳羊古。因挾謝元科借貸之嫌。見其懦弱可欺。憶及十九年間伊堂姪陳萬華向謝老六之妻陳氏續姦不允。被謝老六兒斥欲控。陳萬華服毒自盡舊案起。意捏出陳萬華係被謝元科串同謝老六

誣姦逼死。隨邀陳建貴向謝元科訛詐洋銀使用。謝元科等不依斥罵。陳羊古喝令將謝元科捉住。用繩捆縛。謝元科乘間掙斷繩索。逃至河邊。見水過渡。誤入深處。被溺身死。係屬死于失足。並非被詐。情急自盡。將陳羊古、依刁徒平空訛詐被詐之人。因而白盡擬絞例上酌減一等滿流。

江蘇司道光元年

提督谷送劉六屢次向人訛詐。並因事逼死伊妻。及誣告人欠錢。均事在

大赦以前。應免併計。該犯又向楊二借錢不遂。卽捏欠向訛。輒揪住楊二頭頂。將其右耳咬落。吞嚥入肚。依兇惡棍徒。量減滿徒。

陝西司 道光元年

陝撫題梅奉池。因見尹。惻治買食。蒙古鹽斤。並非買白領帖鋪戶。藉端向詐。不遂。拉同送官。以致尹。惻治之母侯氏。情急投崖身死。情雖訛詐。事出有因。與平空訛詐。逼命者有間。應予刁徒平空訛詐。致被詐之人。自盡絞候例上。量減一等。滿流。

山西司道光元年

晉撫咨鮑總娃因鮑更六行竊有案。向經
更六挾借。鮑更六恐被張揚。借給嗣鮑辛
酉。心懷不平。揚言欲毆鮑總娃。出氣。鮑總
娃勒令鮑更六誣扳鮑辛酉夥竊。冀鮑辛
酉畏懼。不敢糾毆。鮑更六不依。爭鬧。詎鮑
更六之母。稱欲拚命。卽投井身死。鮑總娃

此照刁徒平空訛詐致被詐之人自盡絞
候例上量減一等滿流。

直隸司 道光元年

直督咨王大潯因張二胖愚傻起意誘同
偷竊張二胖小功服叔張鳳翔家糧食商
令吳秋挾制贖贐。復因得錢無幾卽以張
二胖夥同行竊欲赴官首告之言嚇詐致

張一屏慈意自盡例無誘人行竊復藉端嚇詐致令自盡作何治罪明文應照刁徒平空訛詐致被詐之人自盡絞候例上量減一等滿流

雲南司 道光二年

雲撫題褚應藻因伊母舅楊燦宇爲媒將褚應雄之妻李氏招贅常二爲夫該犯起

思舊端嚇詐將楊燦字毆傷致楊燦字情
急自縊身死。例內並無卑幼嚇詐功服尊
屬致死。作何治罪。明文。其毆傷又非深重。
與通迫尊長自盡。毆有重傷之例。不符。查
期親以下。自相恐嚇。卑犯尊。以凡論。則嚇
詐致斃。亦應照凡人定擬。惟楊燦字將有
夫之婦。媒合改嫁。本屬罪人。該犯並非平

空訛詐將褚應藻依才徒平空訛詐致被
詐之人白晝絞監候例上量減滿流。

江蘇司 道光二年

蘇撫題顧紹行等訛詐致被詐之楊云川
白晝案內之胡惟隴聽從顧紹行索詐迨
顧紹行復至楊云川家拉取猪隻該犯並
未同往是楊云川瞥見猪隻被拉取刀自

刎其事與該犯無干。若竟照被詐之人因而自盡爲從律擬以滿流。與在場幫同索詐斃命者無所區別。將胡惟隴於刁徒平空訛詐致被詐之人自盡爲從滿流例上再減一等滿徒。

河南司 道光二年

河撫咨革生李鶴田因挾末學端投充地

方未經知會列名之嫌。輒因其失察私理。病斃乞丐。知情不報。又因催納行稅。疑係科歛具控。經李端木等調處。令宋學端幫給該犯錢文。以致宋學端無措。愁急自縊身死。將李鶴田照刁徒平空訛詐致被詐之人。自盡絞罪例上量減一等。滿流。

江蘇司 道光二年

蘇撫題曹遂保行竊敗露致縱容之母白
盡案內之侯四身充更夫因向曹遂保等
盤出竊情往向嚇詐以致曹遂保之母楊
氏情急自盡惟曹遂保實有行竊情事並
非無端肇衅與平空訛詐者不同將侯四
照刁徒平空訛詐致被詐之人自盡絞罪
上量減滿流

江蘇司嘉慶二十四年

蘇撫題費三沅因代蔡鄒氏家倒糞將馬桶放在門首。經沈沈氏路過。將桶竊去。嗣費三沅等查知。卽往沈沈氏家將原桶取回。沈沈氏往蔡鄒氏家捏稱係向乞丐所買。索還錢文爭吵。費三沅聲言捆縛送究。經人將沈沈氏勸回。費三沅起意詐錢。跟

向沈沈氏索錢沽飲。并嚇稱。如不給錢。尋見其夫。告知。定行處治。沈沈氏哭泣前行。路過橋邊。投河自盡。費二沉。比照刁徒。平空訛詐。致被詐之人。自盡絞監候。例上量減一等。滿流。

安徽司 嘉慶二十四年

西城移送小張四。因不肯開車讓路。先與

陳三揪扭復糾同張茂薰等攔路毆打張
茂薰明知陳三所趕係巡城察院內眷車
輒敢倚衆攢毆致將陳三並拉勸之張
三李二一併毆踢多傷小張四首先糾毆
張茂薰下手逞兇厥罪惟均將該二犯俱
依棍徒量減擬徒。

福建司嘉慶二十四年

提督谷送王二先與袁楊氏通姦。迫木夫
袁大。同袁楊氏移居避匿。該犯輒敢我往
不依。并向袁大索詐錢文。致袁大畏其強
橫。欲將袁楊氏嫁賣。情近擾害。惟係木夫
縱姦。且僅止圖詐。並無毆打。行強情事。將
王二依棍徒量減。擬徒。

江西司

嘉慶二十四年

江西撫咨革監張衡。與范氏通姦。經本夫
張肇智查知。欲將范氏嫁賣。張衡教令范
氏剪落頭髮。使其不能嫁賣。以便續姦。張
肇智不依。控縣飭差鄒貴傳喚。張衡將鄒
貴毆傷。張衡之父張其林恐子坐罪。卽控
鄒貴打毀傢伙抵制。除張其林身故勿議。
將張衡依棍徒量減擬徒。何天衢於醉後

赴縣署尋人爭鬧。經官傳訊。輒敢恃酒咆哮。復詈罵官長。將何天衢革去生員。依部民罵知縣律杖一百。

山西司嘉慶二十四年

晉撫咨何世貴占種李先治等地畝被控。斷令各管各業。該犯違抗不遵。復強奪其羊羣賣錢。並先後毆傷鄧子全等。將何世

貴依棍徒。量減滿徒。何人清不服審訊。咆
孝公堂。照違。

制律杖一百。

直隸司 嘉慶二十四年

直督咨高大慶。因疑高繼三招娼。卽欲令
傅張氏等陪酒。實屬毫無忌憚。將高大慶、
依棍徒。量減滿徒。

直隸司

嘉慶二十四年

直督咨張三。先因糾邀賭博未允爭毆。枷責發落之後。不思悔改。復敢恃醉赴外委寓所吵罵。將張三依棍徒量減滿徒。

直隸司 嘉慶十九年

提督咨送張三。包攬運米出城。迨兵丁攔阻。復糾人攢毆。依棍徒量減擬徒。

直隸司

嘉慶二十二年

直督咨賈雙喜先因刃傷人擬徒援減責
釋復因高杜氏被夫嫁賣在賈彥儒家借
住卽糾人將杜氏並身價搶回又兩次拴
縛賈彥儒嚇詐得錢并因伊族人被竊嚷
罵復將族人毆傷應依棍徒量減滿徒一

江西司

嘉慶二十二年

卷八

刑律賊盜

三

江西撫咨劉品上私取劉漢明家契據糧串圖占魚塘。後因不能管占。復行勒贖。得贖雖與實在偷竊財物。通令事主贖贖不同。惟欺侮幼孩。指契詐財。跡涉擾害。劉品上應照棍徒量減滿徒。

浙江司 嘉慶二十年

浙撫咨外結徒犯內王大華搶奪王大鳳

等家衣物並未執有兇器。查被搶之王大鳳等四家均係該犯之小功服弟。計贓惟王大鳳家二十三兩爲重。未便以恐嚇科。斷依棍徒量減擬徒。

安徽司 嘉慶二十二年

安撫咨陸書紳因賒米不遂起意爭鬧。訊係偶然逞忿。平日並無兇惡劣跡。應照棍

徒。量減滿徒。羅世元于訊斷時。輒敢不守
堂規。在旁亂言。黃紹基等相幫打鬧。復同
聲附和。均照爲從例減一等杖九十。徒二
年半。

奉天司 嘉慶十八年

吉林咨徐名和糾約王可原等各携破衣
赴當。強當錢文不遂。持刀恐嚇。將徐名和

照棍徒擾害例。擬軍。爲從之王可原等。減等擬徒。本部將徐名和。改照恐嚇取財律。計贓。擬杖八十。加枷號一個月。王可原等。減爲杖七十。

山西司 嘉慶二十二年

提督咨送柳新。手扶鎗架。被柳大拉跌。誤將鎗架帶倒。與逞兇扳倒者有間。惟該犯

先經屢向柳大等借錢爭毆。遞籍潛逃。時向柳大尋衅。並與楊四雞姦。平空將高三等誣告。擬徒。援減。復與柳大揪扭。致將官廳鎗架帶倒。未便拘。以後前所犯各案。既經擬徒。不加重科。柳大應照棍徒量減。滿徒。

山東司 嘉慶二十二年

東撫咨縣役竇學蘭先與楊希堯爭毆互
控革役嗣與楊希堯之子文生楊楷途遇
該犯挾嫌拖拉毆打甚至粉塗面目。洩溺
污人。將竇學蘭依棍徒量減滿徒。

山東司

嘉慶二十二年

東撫奏耿二墜、劉升、聽從周化南等強搶
田張氏已成。該二犯同謀未經同搶。將耿

二、陸劉升、依聚衆夥謀搶奪婦女、已成爲從、絞監候例上、量減一等滿流。劉泳來等明知田張氏係屬強搶之婦、輒聽從窩留復先後將該氏逼迫姦污。劉泳來應依棍徒、擾害例擬軍。

福建司 嘉慶十九年

北城後送李四勝子、前因刃傷人擬徒。在

逃行竊。仍發原配遇。

赦釋回。後復與人爭毆。藉端攫取衣包。抵
欠。經北城斷結柳杖。該犯乘間將柳磕破。
脫逃。被獲送部。訊無不法別情。惟節次刁
頑。照棍徒量減滿徒。

雲南司 嘉慶二十一年

雲撫題費和零。因周劉氏等拐賣婦女。該

犯向周劉氏嚇詐錢文。致該氏情急自盡。惟周劉氏本係有罪之人。該犯藉端訛詐。與平空訛詐者有間。將費和零照刁徒平空訛詐致被詐之人自盡絞候上減一等。滿流。

陝西司 嘉慶十九年

陝督題李萬曰保。因徐存良竊其蜂蜜。追

獲捆縛適楊大禮經見。以李萬曰保誣良
爲竊。欲行扭控。希冀嚇詐。致李萬曰保被
逼投崖殞命。李萬曰保縛賊私訊。本有不
合。該犯楊大禮。尙非平空訛詐。依刁徒平
空訛詐。致被詐之人。自盡絞罪上。量減滿
流。

山西司 嘉慶十八年

晉撫題潘通因向小功堂兄潘生法抱養之子潘四小子索討借錢爭鬧起意將潘四小子告逐歸宗。圖得財產致潘四小子氣忿自縊。將潘通依刁徒平空訛詐致被詐之人自盡絞罪上減一等滿流。

浙江司 嘉慶二十年

浙撫咨竺大成先與夏氏通姦乘間往向

續舊。適竺藩宰與夏氏在房行姦。竺大成
瞥見欲喊。竺藩宰許錢二千文。囑勿聲張。
越日竺藩宰給錢一千。其餘約期再付。嗣
竺大成向索前欠。竺藩宰不允。我給。竺大
成不依。彼此爭扭。竺大成因竺藩宰執不
付錢。卽以定向本夫告知。控究之言嚇逼。
詎竺藩宰無處可措。慮及到官問罪。無顏

見人旋卽投繯殞命。雖自盡由于詐逼而詐逼究非無因。依平空訛詐因而自盡絞監候。上量減一等滿流。

直隸司嘉慶二十一年

直督咨劉小保因見辛魁元偷竊訛詐未遂。聲言欲控。致辛魁元自盡。查劉小保因辛魁元偷竊。向其訛詐。事出有因。辛魁元

並非良民與無端肇衅。平空訛詐者不同。
劉小保應照刁徒平空訛詐致被詐之人。
自盡絞候上量減滿流。

安徽司 嘉慶二十四年

提督咨送郭大起意糾同李四等掉換當
物。訛詐當舖錢文。因其不給。遂令李四赴
官喊告。經該當舖夥畏懼給錢寢事。嗣該犯

等另向當舖詐四次。實屬恐嚇取財。核其所訛錢文。計贓均在一兩以下。應從一科斷。將郭大依恐嚇取財計贓准竊盜加一等。於竊盜贓一兩以上杖七十律加一等。杖八十免刺。該犯訛詐多次。爲害閭閻。再加枷號一個月。李四等均依爲從減一等。杖七十。

山西司嘉慶十九年

晉撫題候同樂子引誘劉成娃宿娼。因劉成娃家道殷實。串通楊攀壽等設計詐錢。勒寫借約。嗣向索不給。將劉成娃毆死。原擬開殺絞候。聲明請

旨卹行正法。部改惡棍設法索詐不遂。竟行毆死例。斬候。

恐嚇取財

四川司 嘉慶二十三年

川督咨李相權藉端訛以受先錢文彭
受先情急身死查彭受先囑央李相權作
詞誣告王之良爲竊其時該犯並不知彭
受先誣告旋遇王之良以誤買脏衣相告
該犯知係彭受先有心誣竊曾代作呈詞
起意詐錢使用尙屬事出有因與無端肇

衅者不同。惟彭受先自縊。究由該犯訛詐情急所致。例無作何治罪明文。將李相權於才徒無端肇衅。平空訛詐致被詐之人。因而自盡。擬絞例上量減一等滿流。

四川司嘉慶二十五年

川督咨漆興椿因見無服族姪漆大科向劉邢氏調姦。劉邢氏不依喊罵。漆興椿將

其孥住勒令給錢方肯了事。漆大科許給錢十六千文。始行釋放。漆大科被詐情急。自盡。應比照刁徒平空訛詐致被詐之人。自盡絞候上。量減一等滿流。

湖廣司 嘉慶二十五年

北撫咨徐世遠、富留魏么行竊分贓。魏恒因徐世遠之兄徐世有未經送究。藉端訛

詐致徐世有之妻陳氏情急自盡惟徐世有于伊弟窩匪本已失察。魏恒向其訛詐。究非無端肇衅。應比照刁徒平空訛詐致被詐之人自盡絞候上量減一等滿流。

湖廣司 嘉慶十八年

南撫題蔡正帮于潘鉦加捉獲姦拐伊妻之田紅潰剪辦釋放。與蔡正帮毫無干涉。

因潘鉦加懦弱可欺。帶同其子將潘鉦加
捆縛嚇詐。致潘鉦加情急自盡。將蔡正帮
依棍徒擾害例擬軍。本部駁令改照刁徒
無端肇衅。平空訛詐欺壓鄉愚被詐之人
自盡例擬絞監候。

江蘇司 嘉慶二十四年

蘇撫咨逃徒談三、戰傷蔣克明。查談三因

竊辦絞緩決減軍遇

赦減等。在配逃回。向蔣克明借錢不遂。用
刀戳破蔣克明衣服擬杖。仍發原配。從新
拘役。在配復逃回籍。蔣克明適與撞遇。慮
其記恨報仇。卽行扭獲。欲圖送究。談三情
急。拔刀戳傷蔣克明。並幫護之張齊玉二
人平復。將談三比照棍徒量減擬徒。

湖廣司

嘉慶二十四年

北撫咨革監涂增藻。在廟看戲。因縣委彈壓之典史范熾。飭令跟役稽查喧擠。涂增藻誤爲范熾吆喝。卽向爭鬧。迨范熾詳究。涂增藻卽架詞擅受各款。具控搪抵。經縣提訊。涂增藻復于公堂肆意咆哮。除范熾違例擅受業已革職外。將涂增藻比擬棍徒。

徒量減擬徒。

直隸司 嘉慶十九年

奉尹咨張俊保與張孝之妻鄭氏通姦商
同氏母謀娶爲妻。經氏母逼令張孝休棄。
迎娶成婚。張孝邀同賀宗孝往向理論。該
犯復將賀宗孝揪扭。原擬鄭氏既非良婦。
未便按強奪良家妻女科斷。其愿從爲妻。

卽與和誘無異。照和誘知情例擬軍。鄭氏
減等擬徒。鄭陳氏聽從張俊保許財逼勒
休書。應照不應重杖。部議該犯謀娶鄭氏
許給鄭陳氏財禮。囑令張孝休棄。情非和
誘。惟本係姦淫罪人。輒敢商同鄭陳氏逼
令本夫休棄。復與賀宗孝揪扭。改依棍徒
擾害擬軍。鄭陳氏逼勒伊婿休棄。恩義已

絕。屢次捏詞誣控。應依爲從滿徒。

安徽司 嘉慶二十一年

安撫咨宋潛、挾嫌誣告大功兄宋實穎、宋加樑、跨籍朦朧。致令俱被訟累。抱忿成病。均係抬回身死。二人俱係該犯大功服兄。與誣告平人在外身死不同。惟該犯疊次挾嫌。造傷誣告。並糾衆登門尋鬧。復自裝

傷捏告實與棍徒擾害無異。宋潛應依棍徒擾害例擬軍。

江蘇司 嘉慶二十年

蘇撫奏周幅觀所種禾稼均屬有收。該犯自行變賣食用。嗣因無力完漕。聽從施朗觀入城稟求。其意止圖緩徵。並非抗糧。迨至前廳周垣寓所。欲進內而稟。被家人陳

順攔阻。致相揪扭。亦非閃開公堂。惟因書吏檀秀芳。朱南枝。以例無米貴。緩漕之言。向斥。輒敢遷怒。卽與施朗觀等。將兩家門窗什物。肆行打毀。實屬逞兇。將周幅觀。照棍徒。擾害擬軍。施朗觀等。減一等。擬徒。

浙江司 嘉慶二十年

浙撫咨王阿超。與周良成等。搶奪李明宇

穀石洋錢。又將李明宇拉至周良成家。關
禁勒贖。經官訪獲。將王阿超、依棍徒擬軍。
周良成等依爲從滿徒。

安徽司 嘉慶二十年

安撫題王秀挾嫌串同捕役朱正。囑令劉
紹南誣控王勉買贓。致王勉之子王景運
截死朱正。將王景運依擅殺罪人擬絞具

題本部以衙役雖經奉票如有藉差嚇詐情事致被毆斃者各照平人謀故鬪殺本律科罪。今王景運毆傷捕役朱正身死。雖事由朱正圖詐起衅。第係奉有官票並非假差。亦未便科王景運以擅殺之條。駁飭旋據遵駁更正。將王景運改依藉差嚇詐致被毆斃本例擬絞監候。王秀挾王勉自

設渡船。占其生意之嫌。起意串同捕役朱正。囑令劉紹南誣控王勉買贓。希圖拖累。以致王勉之子王景運。抱忿戳傷朱正身死。實屬險惡。將王秀比。照棍徒擬軍。劉紹南聽囑誣扳于王秀軍罪上減一等擬徒。安徽司 嘉慶十九年

安撫咨外結徒犯內崔愷。因與石登書之

妻通姦。該氏畏夫責打逃出。崔愷容留在家姦宿。後聞石登書有賣休之語。卽圖買作妾。不給身價。依棍徒量減滿徒。

江蘇司 嘉慶十九年

江督奏胡容貴因董捷高藉荒糾衆強索鋪戶錢文。飭差拘拏拒捕。經該縣親往彈壓。獲犯審訊。恃衆袒護。出言挾制。以致旁

觀之人隨聲附和同時喧嘩幾致釀成重案比照棍徒擾害例擬軍

廣東司 嘉慶十八年

廣東撫咨蘇廣華擄捉無服族弟蘇峻登勒贖比照親屬相盜尊長犯卑幼於勒贖初犯爲首斬候罪上減一等滿流

直隸司 嘉慶十八年

直督題史學因子史萬鑑強姦趙雨幼女
真姐已成畏罪自盡史學以子死家貧欲
圖詐錢營葬致趙雨抱忿自縊將史學依
刁徒平空訛詐致被詐之人因而自盡擬
絞監候例上量減擬流本部駁令改照本
例擬絞監候

刑部比照加減成案卷九目錄

杭州許榧

同訂

安陸熊莪

刑律賊盜

詐欺官私取財

略人略賣人

刑部比照加減成案卷九

刑律賊盜

詐欺官私取財

貴州司

道光二年

中城移送王殿元。憑令王泳和典例錢舖。因見所存本錢無幾。不敷開發。遂起意商同張三。將舖關閉。雖係有心誑騙。究因本

錢太少難以開發。尙屬事出有因。亦未侵吞入已。該犯虧缺錢數計銀在二百二十兩以上。王殿元應于錢舖管事之人起意誑騙數逾一百二十兩以上發附近充軍。罪上量減一等滿徒。

山西司

嘉慶二十五年

首撫咨下四張四身充門丁。因劉明質報

充鹽商奉文行查。輒敢商同指官。撞騙劉
明質銀二千七百兩。惟一聞本官欲將劉
明質解赴河東。卽令退還原銀。究屬贓未
入手。王四、張四均應照指稱打點名色。誣
騙財物。擬軍例上量減一等。滿徒。

直隸司
嘉慶二十三年

直督咨外結徒犯內龔鳴鳳。聽從蘇洛云。

代薦鎗手輟圖利輟轉說合雇覓蘇洛云
頂名入場龔鳴鳳李秉義實止聽從代雇
訊無包攬情事應于包攬之人與鎗手同
罪擬軍例上量減一等滿徒

也隸司 道光元年

直督咨任邱縣皂役范東來因金鵬飛違
例朦朧該犯藉稱打票誣騙銀一千兩未

經收受依指稱衙門打點名色誑騙財物
擬軍例上量減一等滿徒

安徽司

嘉慶二十一年

東賊谷送姜佩安將自置棚場房闢廢契
影射富宅押給薩宅借得京錢三百三十
吊惟係對舖收租已陸續還過京錢九十
一吊與平空設局誑騙者有間將姜佩安

詳聖官私事則
於誣騙滿流上量減一等滿徒

江西司
嘉慶二十年

江西撫咨外結徒犯內王正光依隨棚代
考鎗手擬軍加枷係聞拏投首減一等杖
一百徒三年廩生曾光顯明知鎗手冒保
入場贓未入手已有確數照枉法贓無祿
人減一等

廣西司

嘉慶十八年

廣西撫咨葉元枝帶病進場與黃許連號嗣葉元枝忽然嘔吐支持不住私向黃許商量雇倩代作許以如能入學謝銀四十兩黃許應允正與代作卽經查出拏獲將黃許葉元枝均依例擬軍本部以黃許既據該撫審明並非積慣鎗手與葉元枝素

不認識。其因場內坐號相連。適葉元枝病發。雇倩代爲作文。究屬偶然。會遇若竟依律枷號。擬軍似與在外營幹頂名入場者。未免無所區別。黃潁、葉元枝應于代倩已成枷號三個月充軍。雇倩之生童與鎗手同罪。例上各減一等。滿徒。

山西司

嘉慶十八年

旨撫咨吳輔清、誣告喬發、文撞騙銀五百兩。于未經審訊之先投遞悔呈。於誣告指稱衙門打點名色、誣騙財物犯該徒罪以上擬軍例上量減一等滿徒。

河南司 嘉慶十八年

河撫咨外結徒犯內雷季先、因吳法厝雇倩趙老玉頂名入場換卷。雷季先圖謝作

保於趙老玉等軍罪上量減一等滿徒。

福建司

道光二年

臚無奏知縣秦友蘇與遊擊許雙冠互訐案內之府司獄劉文煥奉委密查並賁帶告示到縣。既知秦友蘇浮折屬實。卽應遵札貼示。乃羈留數日。始則私向秦友蘇將密示洩漏。繼復自寫私信。札致秦友蘇回。

縣相商核其信內語句調停說合隱約其詞是其意圖誑騙得財藉以周旋情弊顯然若比照規避處分誑騙未有定數例止杖責不足示懲將劉文煥比照指稱規避處分誑騙未成議有定數財未接受杖一百徒三年枷號兩個月例擬徒係職官免其枷號

江蘇司

嘉慶二十四年

蘇撫咨丁泳春因被耿育仁誘騙雞姦許
銀不給。乘間將托管箱物捲取走逃。計賊
四百八十餘兩。皆由耿育仁姦騙所致。與
尋常竊盜不同。將丁泳春比照拐帶人財
物計賊准竊盜論擬流。

山東司

嘉慶二十一年

提督咨許桌高偷竊伊師舖內殺走等物
計贓二十兩以上該衙門以許桌高係王
著元之徒有犯應照大功科斷計贓擬答
五十本部以徒竊師財例無減等之文學
業之徒與師既無服制不得濫引寬減惟
許桌高將伊師所交貨物挪用卽與詐欺
官私取財無異將許桌高依詐欺官私取

財計、賊、擬杖九十

山東司 嘉慶二十年

按察司奏已革保正李林、帮辦編查保甲、
輒乘該縣患病起意舞弊將該庄病故逃
亡一百九十二戶仍造入冊內並添捏詭
名一百七十戶虛舉于初賑二賑冒領銀
一百二十九兩若依冊支軍糧入已軍已

逃故不行。却除照常人盜倉庫錢糧論並。
部內遇有災傷。里長甲首。朦混供報。害民。
均罪。止擬徒應比照詐欺官私取財律杖。
一百。流三千里。

畧人畧賣人

湖廣司

嘉慶十八年

北撫咨沈開科。聽從鄧雙等。積贖窩固。嫁賣婦女。並非夥衆開窩。例無專條。比照和誘知情。爲從。滿徒上量加一等。杖一百。流二千里。

山西司

嘉慶二十年

直督咨趙王姦拐劉陳氏係本夫縱姦趙
王依和誘知情擬軍例上量減一等滿徒
該犯本係兵丁因誤差革退復犯姦拐應
加一等杖一百流二千里劉陳氏於滿徒
上減一等杖九十徒二年半

山西司

嘉慶十九年

晉撫題趙韓氏因不生育偷抱幼孩欲爲

子剛因幼孩啼哭。慮被聽聞。用手按口。致
氣閉身死。原擬依鬪殺律絞候。駁改。畧誘
良人爲子孫囚而殺人律斬候。

山東司

道光元年

東撫咨外結徒犯內孫王。將杜了之妻蕭
氏誘拐。意圖嫁賣。第聞杜了訪查緊急。卽
將蕭氏送至杜了母舅家。轉送杜了收領。

其畏法悔過。究與拐逃無蹤者有間。於和誘知情爲首軍罪上。量減一等滿徒。

浙江司

嘉慶二十四年

浙撫咨徐思成、姦拐韓榮之妻潘氏同逃。經伊父徐世林查知韓榮欲告。卽將徐思成追交與犯罪知人欲告而自首之律相符。將徐思成依和誘知情爲首擬軍例上。

減二等杖九十徒二年半潘氏依被誘之人滿徒

奉天司 嘉慶二十四年

提督咨送徐大因與王氏通姦情密商同王山兒將其拐出送至王氏母家暫住意圖遲日帶回嗣聞本夫魏四找尋不見涉訟該犯畏懼令王山兒帶同其子虎兒前

往接同送還因王氏患病未回。復聞魏四呈告送部。該犯愈加恐懼。與王山兒並虎兒同去。將王氏接回。又因中途遇雨。未經將王氏送還本家。惟業已帶領虎兒與其母王氏見面。卽與知人欲告首還無異。將徐大比照知人欲告而于財主處首還者減罪二等律。於和誘知情擬軍罪上減二

等杖九十徒二年半王山兒爲從與被誘
之王氏均于首犯徐大罪上減一等杖八
十徒二年

江蘇司

嘉慶二十三年

蘇撫谷朱大獅子與王氏通姦拐逃伊弟
朱二問知王鄭氏報案旋即投保訪聞差
緝獲解與知人欲告自首無異將朱大獅

子於和誘知情爲首軍罪上減二等杖九十徒二年半。王氏擬杖八十徒二年。

直隸司 嘉慶二十三年

直督咨劉根誠與張孝之妻何氏通姦。何氏因伊夫禁止往來。央求伊父何九生帶領同逃。寄信劉根誠前往居住。非該犯起意揚逃。將劉根誠依和誘知情爲首軍罪。

上量減一等滿徒何氏於劉根誠例上減
一等杖九十徒二年半

直隸司 嘉慶二十五年

直督咨外結徒犯內吳大有與許董氏通
姦後因本夫許添祥出外輒將該氏拐至
家內姦宿聞本夫查知被控卽令該氏回
歸尙有畏法之心將吳大有於和誘知情

爲首軍罪上量減一等滿徒許董氏於滿
徒上減一等杖九十徒二年半

浙江司 道光二年

浙撫峇外結徒犯內姚一青將無服族人
姚田氏誘與陸金魁爲妻係本夫姚遇
良自行交托尋工覓無雇主所致與平空
誘拐者有間將姚一青照和誘知情爲首

軍罪例上量減一等滿徒姚田氏係被誘
之人減等例杖九十徒二年半

直隸司 道光二年

西城移送王五因私向馬氏借當其後夫
脫僧衣物經脫僧查知逼令馬氏取討無
償將馬氏打罵馬氏被毆難堪起意逃走
仍跟前夫黃玉過度該犯希冀馬氏逃後

所借當物便無對証。可以賴欠。並可令伊
表兄黃玉完聚。隨約期往接馬氏。逃走與
實在和誘者有間。將王五依和誘知情爲
首。軍罪上量減一等。滿徒馬氏應減一等。
杖九十。徒二年半。訊明無宗。可歸當官嫁。
實惟查該氏所生幼子年甫週齡。若將該
氏當官嫁賣。勢必母子分離。在馬氏係賣

休○之○婦○固○不○足○恤○惟○年○甫○週○齡○之○幼○孩○驟○
奪○其○母○必○致○失○所○且○該○氏○前○夫○賣○休○之○由○
實○因○貧○病○交○迫○出○于○無○奈○衡○情○定○斷○應○將○
馬○氏○仍○給○前○夫○黃○玉○完○聚○以○昭○矜○恤○

直隸司 道光二年

順○尹○咨○擾○害○案○內○之○勵○幅○兒○與○常○石○氏○通○
姦○被○王○文○昭○撞○遇○欲○毆○起○意○將○常○石○氏○誘○

至伊家躲避並未拐逃出境將嗣嗣兒依
和誘知情爲首軍罪上量減滿徒常石氏
照爲從減等杖九十徒二年半

河南司 道光二年

河撫咨外結徒犯內楊三祿與無服族兄
楊三祿之妻楊王氏通姦因姦懷孕慮恐
敗露潛逃該犯家相依並非該犯拐逃惟

該犯既將王氏捏爲妻室。留與同居。未便
僅科姦罪。將楊三祿於和誘。知情爲首。軍
罪上量減一等杖一百。徒三年。楊王氏依
爲從。減一等杖九十。徒二年半。

湖廣司 嘉慶二十一年

江督咨安馮氏係安申氏次子未婚之妻。
童養多年。恩義本重。安申氏因次子夭亡。

將馮氏改嫁與張文倉爲妻。復起意將馮氏拐賣。例內並無故夫父母誘拐已經遣嫁之媳治罪專條。應照和誘知情酌減。問擬該氏畏罪自盡。其子安太。訊係知情。候獲日照例治罪。馮氏仍照被誘之人減等擬徒。

山東司

嘉慶二十四年

東撫谷郭存智因見同姓不宗之郭氏在
陳付家賣娼。卽將郭氏誘賣與人爲妾。仍
囑越日逃回。情同誑騙。惟郭氏究係被該
犯和同誘拐。未便轉引誑騙之條。郭氏係
賣娼之婦。亦與良民不同。將郭存智依和
誘知情爲首軍罪上量減一等杖一百徒
三年。

山西司

嘉慶二十四年

晉撫奏已革未入流丁榮將內姪女張女
子捏作使女賣與徐溝縣門丁陳升爲妾
並未向張女子告知實情與設計誘賣者
無異第張女子自幼父母雙亡托交該員
恩養年久且其母臨終時言明長大成人
歸還擇配若照常入誘拐擬絞未免無所

區別將丁榮于誘拐絞罪例上量減一等
滿流惟丁榮身係職官將內姪女捏稱使
女價賣與長隨作妾殊屬卑鄙請

旨發往新疆充當苦差張女子另行擇配

山西司 嘉慶二十五年

提督谷程進忠因范氏托伊尋覓傭工地
方未妥並不卽時送回轍商同范氏潛逃

居住計期已及一載有餘。保屬和誘。惟程進忠身係太監。其和誘鄭范氏。僅圖服事起意。並無別故。迨因貧苦不能養贍。范氏欲覓伊夫鄭六。卽將范氏送回夫家。情尙可原。應于和誘知情軍罪上量減一等。滿徒。發順天府定地充徒。鄭范氏爲從。減一等徒二年半。

直隸司

嘉慶二十二年

直督岑計景濤與月娥通姦情熱主令趙
大名將月娥拐至家內惟查月娥係屬娼
妓未便與姦拐良婦一律擬軍許景濤合
依和誘知情爲首擬軍例上量減一等滿
徒趙大名聽從主使應與月娥均照爲從
杖九十徒二年半

雲南司

嘉慶十九年

北城移送張二姦拐李宗氏訊因李宗氏
夫故與張二同主贖工調戲成姦移往同
住嗣因不能養贍復將宗氏媒合嫁與李
三爲妻迨李三外出該犯復攜帶宗氏另
住較與有心姦拐有間于和誘軍罪上量
減一等滿徒

江蘇司

嘉慶二十年

蘇撫題許添沅拐賣張徐氏未成被誘之人不知情應擬絞候。聞拏投首應減一等。滿流。

江蘇司

嘉慶二十二年

提督咨送楊二先與周氏通姦係本夫李仁縱容嗣李仁將周氏賣休與楊二爲妻

其幼女喜兒。周氏帶往撫養。並非李仁一併賣與楊二。周氏係賣休之婦。律應離異。伊女喜兒與楊二應同。凡論楊二將喜兒賣爲使女。僅止交給媒人。尙無買主。楊二應于畧賣良人爲奴婢杖流律上量減一等。滿徒。

山東司

嘉慶十八年

東撫題張倫扎死劉名祥案內張文玉和
賣小功姪孫童養之妻呂氏屬令劉名祥
領賣劉名祥將呂氏價賣爲婢張文玉止
係起意價賣其賣爲婢實係劉名祥專主
將張文玉照和賣總麻以上親之妻爲婢
滿徒律上量減一等杖九十徒二年半

奉天司
嘉慶十九年

奉尹咨李學貴因高氏被正妻凌虐逃出
與該犯途遇誘拐同逃高氏旋與李學貴
素好往來之李明通姦又被李明拐逃李
學貴依和誘量減滿徒李明照誘拐爲從
杖九十徒二年半。

江蘇司 嘉慶二十三年

蘇撫咨外結徒犯內史發將出嫁胞妹史

氏誘逃賣與黃松茂爲妻。係降服大功例。無專條。第賣爲奴婢。旣同凡論。則賣爲妻妾。亦應照和誘良人爲妻妾律。杖九十。徒二年半。

江西司 嘉慶二十三年

江西撫咨張文佩。因聞陶和茂窩頓閔騰。蘇興販犯姦之婦葉氏。起意糾搶。誤將陶

和茂之妻喻氏一同搶去。後因喻氏哭訴該犯始知誤搶。輒用言嚇禁嫁賣。卽與畧賣。無異。將張文佩照誘拐婦女典賣與人爲妻。被誘之人不知情例。擬絞監候。李坤等聽從搶奪。照誘拐爲從。滿流。

直隸司 道光二年

直督次霍大廉子圖騙錢文。將劉喚姐指

賣致劉喚姐聞知羞忿自盡查霍大麻子
因李二托其買妾輒捏稱劉路氏愿將孫
女劉喚姐給人爲妾托其價賣以致劉喚
姐聞知氣忿自盡該犯祇係向李二誑指
空言圖騙錢文並非設計誘賣將霍大麻
子比依尋賣良人爲妻妾因而殺人斬候
律上量減一等滿流

浙江司

道光二年

北城移送王二。因已經出嫁之女五兒。被夫休同。並不另配。圖得身價錢文。賣給趙張氏爲義女。例內並無和賣子孫。與人作爲義女。治罪明文。應將王二。比照畧賣子孫爲奴婢杖八十。和賣者減一等律上。再減一等杖六十。

浙江司 道光二年

浙撫谷外結徒犯內聞上達誘賣三姑爲婢。查聞上達因三姑之母呂楊氏托交傅革玉轉托該犯救主。該犯乘機誘賣與憑空誘拐者有聞。將聞上達照和誘知情爲首重罪上量減一等擬徒三姑依被誘之人減一等杖九十徒二年半。

嘉慶二十四年

浙江司

浙撫咨送周仲山嫁賣養媳夏氏查周仲
山先聘夏氏爲媳立有婚書過門童養名
分已定乃因夏氏雙目患障將夏氏捏作
已女轉賣與蔡善慶爲媳將周仲山比照
畧賣子孫之婦爲奴婢律上減一等杖七
十徒一年半鄺長春明知周仲山將媳轉

嫁。圖。分。財。禮。目。名。爲。媒。應。照。爲。從。律。杖。六
十。徒。一。年。夏。氏。給。伊。父。領。回。聽。其。另。行。擇
配。蔡。善。慶。訛。不。知。情。應。免。置。議。

直隸司

嘉慶二十五年

直。隸。題。楊。二。小。因。裴。趕。營。明。知。劉。氏。係。該
犯。之。妻。用。財。買。娶。本。屬。有。罪。之。人。該。犯。用
鳥。鎗。將。其。放。傷。身。死。應。照。擅。殺。罪。人。擬。絞。

監候劉五將期親出嫁降服大功之姪女
楊劉氏和賣與裴莊營爲妻例無明文應
按凡人科斷將劉五依和誘人賣爲妻妾
律杖九十徒二年半被誘之楊劉氏減一
等。

江蘇司

嘉慶二十年

蘇撫咨馬敬安搶奪稍販婦女因例無專

條咨請部示本部查婦女首重名節甘心
任聽販賣轉嫁兩易其夫卽不得謂之良
婦一經匪徒糾搶自應比照科斷本部查
嘉慶十七年湖北省咨熊三元等搶奪高
貴所販婦女一案比照夥衆搶奪犯姦婦
女發遣等因在案核與馬啟安之案情事
相同自應將首犯比照聚衆夥謀搶奪曾

經犯姦婦女已成例發回城給伯克回子
爲奴爲從擬以杖流。

江蘇司 嘉慶二十二年

蘇撫題張貴畧賣子女洪老七不知拐情
買爲養媳旋向被拐之許女子問出被拐
情由洪老七恐許姓找尋不依卽將許女
子轉賣與人爲義女情同與販洪老七應

比照典販子女與他人爲子孫例滿徒。

安徽司 嘉慶十九年

安撫咨鄭興澤因伊弟鄭德澤誘拐張氏嫁賣。囑該犯送往訊。未同誘分贓。惟不查來歷。聽囑幫送。例無明文。比照並無和同誘拐。暫容留數日。例枷號發落。

浙江司 嘉慶二十一年

浙撫咨徐貴姦拐家長之妾謝氏查雇工姦拐家長之妾例無專條將徐貴比照畧賣家長之期功以下親屬和者發遣例發極邊足四千里充軍。

廣東司

嘉慶二十年

廣東撫題余林氏聽從李亞邦誘拐舊主朱許氏功服姪女譚亞嬌例無專條依凡

人誘拐爲從律擬徒

山東司 嘉慶二十一年

東撫咨姜才子姦拐義妹張氏同逃查例
無姦拐義妹治罪明文應以凡論將姜才
子依和誘爲首擬軍張氏減一等滿徒

湖廣司 嘉慶二十一年

北撫咨逆犯李光魁誘拐鄧譚氏賣與張

榜安爲妻。鄧譚氏被誘改嫁。旋因思念伊子。心生追悔。告知娶主。經張榜安呈首。該氏應准免罪。

福建司 嘉慶二十二年

提督咨送楊名子。因三兒之母王王氏。曾兩次托伊妻劉氏代三兒找主安身。該犯遂將三兒帶出。捏造三兒之父王恒太出。

名價賣字據轉轉售賣其事尙出有因。究
與誘拐畧賣人有別。楊名子應于和誘知
情爲首軍罪上具減一等滿徒。